



Mónica González Pavón, secretària generau deth Conselh Generau d'Aran,

CERTIFIQUI:

Qu'eth Conselh de Govèrn, en session ordinària de 2 de hereuèr de 2026, adoptèt, entre d'auti, er acòrd següent e que transcrit literaument ditz:

"2au.- APROBACION, SE PROCEDÍS, DETH PLEC DE CLAUSULES ADMINSTRATIVES PARTICULARES, DER EXPEDIENT DE CONTRACTACION E DERA LICITACION DETH SERVICI DE *GESTION E REPRESENTACION DERA "RESERVA DERA BIOSFERA DERA VAL D'ARAN"* MEJANÇANT PROCEDIMENT DUBÈRT SIMPLIFICAT, DAMB TRAMITACION ORDINÀRIA.- (Exp. num. 3085-0001/2026)

Vista era prepausa deth Conselhèr de Territòri, Paisatge e Cambi Climatic, Mgfc. Sr. Francisco Bruna Capel, ena quau se da compde deth besonh de realizar eth contracte deth servici de *Gestion e Representacion dera "Reserva dera Biosfera dera Val d'Aran"* pes motius que seguissen:

- Eth Conselh Generau d'Aran a eth besonh de garantir eth servici de gestion e representacion dera Resèrva dera Biosfèra dera Val d'Aran. Concretament, eth servici de coordinacion e desenvolupament deth Plan de gestion dera Resèrva dera Biosfèra dera Val d'Aran, atau com totes es accions e ahèrs de besonh entà complir damb eth programa Man & Biosphere dera UNESCO.
- Eth Conselh Generau d'Aran non dispause de mieis umans (personau) ne logistics entara bona execucion deth contracte *Gestion e Representacion dera "Reserva dera Biosfera dera Val d'Aran"*. Per açò resulte totaument de besonh era contractacion deth servici objècte d'aguesta licitacion.
- Entà dar compliment ad aquerò dispausat ei de besonh adjudicar era prestacion deth servici de gestion e representacion dera resèrva dera Biosfera dera Val d'Aran, damb es foncions que se relacionen en expedient.

Vist eth Decret de Sindicatura num. 0030/2026 de 21 de gèr, en quau se demane informe per part dera Secretaria Generau e dera Intervencion de Hons.

Vist er informe favorable, damb observacions, dera Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Vist eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament deth servici a contractar ei previst ena aplicacion pressupostària num. 2026/01.170.227.06 deth pressupòst generau prorrogat vigent entar exercici 2026.



Cossent damb çò que dispausen es articles 17, 25, 28, 116, 117, 118.1, 122, 159 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion deth servici nomenat, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [publicat en DOGC num. 8980 de 16 d'agost de 2023 e BOP Lleida num. 159 de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion des servicis de *Gestion e Representacion dera "Reserva dera Biosfera dera Val d'Aran"*, plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst de cent vint-e-sies mil tres cents vint-e- quate euros (126.324,00 €) IVA includit, damb eth desglossament següent:

- Cent quate mil quate cents euros (104.400,00 €) en concèpte de pressupòst net e,
- Vint-e-un mil nau cents vint-e-quate euros (21.924,00 €), en concèpte d'IVA ath 21%

Dusau.- Aprovar er expedient entara contractacion des servicis de *Gestion e Representacion dera "Reserva dera Biosfera dera Val d'Aran"* mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Tresau.- Dispausar era dubertura deth procediment dubèrt simplificat de contractacion, en tot procedir ara publicacion der anonci de licitacion en perfil deth contractant en tot daurir en aguest moment eth tèrme de quinze (15) dies naturaus entara presentacion d'aufèrtes, cossent damb çò que dispausa er article 159.3 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatx dera Sindica.

Vielha, signat electronicament

Vist e platz
Era Sindica

Maria Vergés Pérez